

**CLARISSIMO, &
ERUDITISSIMO VIRO
ANTONIO COCCHIO
EMINENTISS. &
REVERENDISS...**

Giovanni Antonio Bianchi, Valenti
Gonzaga

oportet aliquando mentem, atque ad eas cogitationes erigere, quae ipsam, objecta quadam immortalitatis specie, delectant. Quapropter non puto, me contra officium facturum, si, levandi causa moeroris tui, te orem atque exhorter, ut eorum, quae infra te sunt, paullulum oblitus, ad ea oculos convertas, quae partem nostri meliorem supra humanos sensus attollunt.

Quamquam vero hoc genus consolationis, cum asperum videri potest, quod nihil ad mulcendum aegrum animum sensibilis lenimenti afferat, tum mihi non facile explicatu sit; tamen, quae mihi in praesentia de illo in mentem venere, decrevi brevi ad te perscribere; non quod ea te fugere existimem, sed quod forsitan dolore impeditus minus ea perspicias. Quid est quod tantopere te commoveat tuus dolor intestinus? miserum, inquires, atque acerbum est amisisse Fratrem aetate integra, viribus florentem, in quo cum summum ingenium, & excellens plurimarum rerum scientia, tum vero summa in moribus, & congressu elegantia, atque humanitas miro quodam nexu conjungebantur; quem omnibus ornatum virtutibus incredibilis praeceteris modestia suavissimum mihi, domesticis carissimum, exteris vero etiam commendatissimum efficiebat. Sed haec, quorum recordatione tuum video, nondum obducta cicatrice, exasperari vulnus, magni quidem vulgi aestimatione facienda essent ad augendam de amisso homine

mine tristitiam ; tibi vero , qui a vulgi opinione solutus , supra illud extolleris bonis artibus , ac philosophicis disciplinis , haud tanti aestimanda sunt , ut propter Fratris jacturam , qui eadem possidebat , ipse te excrucies . Cogita quemadmodum luserit saepe fortuna nobiscum , seu quemadmodum ut christianè loquar , cum hominibus agat arcenum Divinae mentis , venerandumque consilium . Nec novum , nec inauditum , immo & quotidiano usu familiare esse comperies , eripi nobis inopina morte illos , quos vel sanguinis propinquitate , vel studiorum societate , vel necessitudine aliqua charissimos habemus . Considera quot incommodis pars haec nostri terrena obnoxia sit , quae ut pulcherri- ma artuum structura , ac mira machinarum compage ceteras corporeas res longe praecellit , sic & omnibus pronior est in interitum ; adeo circumstantium corporum insidiis , atque aggressionibus obvia , ut omnia paene elementa in ejus ruinam conspirasse videantur . Neque solum ab intestinis dissidiis sibi metuendum est , sed multo magis ab externarum vel minimarum rerum occurstu , quibus aut fluentium in eam partium intercipiatur cursus , aut consistentium dissolvatur nexus , aut congruentium libramenta concutiantur . Ita saepe fit , ut his impedimentis onerata , aut motus suos explicare , aut ab extranei corporis plexu sese extricare non valeat , aut dum nimis contra nititur de statione sua convellatur , & ipso pugnae actu ,

ac fervore succumbat ; ac misere occidat . Quid?
quod ea ipsa , quae ad vitam necessaria ducimus,
mortem identidem afferant . Quid aere magis ne-
cessarium ? quid cibo ? ab his tamen , etiamsi non
immodico usu a nobis in vitae consuetudinem tra-
ducantur , noxia saepe contrahimus , quibus miris
concretam modis sensim inolescere labem usque
ad nostri internecionem non uno experimento di-
dicimus . Sed quid ego tecum , Cocchi carissi-
me , his de rebus dissero , in quibus tu versatissi-
mus reperiare ? me tamen juvat cum Viro doctis-
simo egisse , qui cum sit plurima eruditione , ac
experientia instructus , fateatur necesse est , quan-
tacunque hominum diligentia , atque industria in-
perscrutandis arcanis humanae machinae ductibus
multa , ac mirabilia , quorum ignara fuit antiqui-
tas , recens in illa comperta sint , plurima adhuc
superesse investiganda , multas adhuc latere vias ,
abditosque recessus , quos insolens morbus ad ex-
tinguendam vitam clandestine subeat , vestraeque
artis praesidia subdole eludat . Quin & infinita pro-
pemodum in ea morti patent ostiola , quae vel nos
ipsi ingruentibus morborum seminibus impruden-
tes laxamus , aut vi , nisuque circumambientium
corporum reserata , saepe aditum parant irruenti
veluti veneratarum sagittarum procellae , qua
mortalis haec moles obruitur , alieno , insuetoque
pondere ab eo libramento divulsa , in quo vitae
momenta concluduntur . His autem malis , si ve-
rum

rum fateri vultis, nec utiliter, ac tempestive semper, nec aliquando tuto artem vestram occurrere posse, exploratum esse affirmabitis; cum nec medicamenti vires ad morbi libram exigere valeatis, & saepe vobis praeter sententiam eveniat, ut unde sperabatur salus, inde mors inopinato succedat. Quod tamen non vitio artis, quam scio inter omnes humano generi utilissimam, ac divino testimonio commendatam, sed hujus nostrae labentis machinae calamitati tribuendum est, quae cum innumeris undique petatur insidiis, illa saepe ac frequenter aperire non potest, a quibus interne oblidetur. Haec autem si tu sedulo meditabere, aut forte non dolebis ereptum tibi ex humanis optimum Fratrem, aut saltem dolori tuo moderabere.

Quam enim stabilem, firmamque spem in fatiscenti hominis vita, quam nemo melius, quam tu, nescit esse caducam, locare poteras? Neque vero Frater tuus totus interiit, sed pars illa tantum de illo periit, quae ad interitum nata erat; ea superest adhuc pars optima nostri, quae est immortalitate donata. An doles interiisse quod suapte naturâ interire necesse sit? Cur potius non cogitas ab his terrenis artubus, ac moribundis membris, quibus immortalis spiritus quodammodo hebetatur, jam solutum atque liberum ad beatiorē, tranquilliorēque vitam transiisse Fratrem? Sed tibi mortalis haec vita commodo, & voluptati
erat

erat; ab illa immortali nihil solatii, & emolumenti capis. Vide ne tibi plus aequo indulgeas, ne in optimum Fratrem iniquus sis, ne demum lugendo tua potius, quam illius amissa bona, magis tua, commoda, quam Fratrem amasse videre. Quod si fas esset Christiano homini propter ista dolere, socium doloris tui me ipsum haberes; nam plurima debeo Fratri tuo de meo sodalitis optime merito accepta beneficia. Ille enim omnibus benevolentiae officiis nostros homines, quoad vixit, pro sua egregia in D. Franciscum pietate persequutus est: eis opes suas in auxilium, fortunas in praesidium, domum in hospitium liberalissime contulit. Quae cum ego animo reputo, affici maerore non possum, quod ea commoda cum ipso amiserimus; sed solatio, & gaudio quodam perfundor, quod nunc illi eadem, quae in nos contulit, beneficia ornamento sint, atque laudi. Nam cum a sanctissima Religione, qua singulari Dei Optimi Maximi beneficio imbuti sumus, moneamur, unumquemque nostrum pro benefactis in praesenti vita, amplissimum fructum consequuturum in futura, mihi sane credere licet, eo loci Fratrem tuum pervenisse, a quo lacrymas, luctus, tristitiam longissime abesse, ac penitus exulare necesse sit. Ad hanc autem spem non ea tantum me erigunt, quae ipse praeclare gessit, libero & honesto homine digna; sed multo magis opera illa, quae Christianum Virum, quae Christi Dei nostri Sacerdotem de-

decent. Tu enim scis, quanta in adversis constan-
tia, in prosperis moderatione sit usus. Noscis
quanta in Deum pietate, ac Religione Sacerdota-
li munere functus fuerit. Hanc vero pietatem,
cum is saepe alias multis argumentis, tum cum
paene animam exhalaret, egregie testatus est. Uti-
nam, mi Cocchi, daretur nobis talem mortem op-
petere, quam si flere velim, vereor ne me nimis
miserum prodam, qui obitum nobis optabilem
Fratri tuo invidere videar. Nec tu, si ad haec ani-
mum adjicies, ita te comparabis ad suavissimi Fra-
tris tui recordationem, ut quoties tibi amissi me-
moriam succurrat, toties illius sentias sine dolore
jacturam. Interim velim quae scripsi ita accipias,
ut tibi solatio sint, mihi vero documento amoris
erga te mei, quod officio non defuisse credar.
Vale. Lucae Kalen. Januarii MDCCXXXI.

R O M A E
Ex Typographia Komarek
MDCCXXXVII.

Superiorum Permissu.

